

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسلكمزه موافق آثار قبول اولنور.
درج اولنمایان اوراق اعاده اولنماز.

معارف

اداره خانه سی باب عالی جاده سنده
۵۲ نومرولی « شرکت مرتبیه »
مطبعه سیدر.



استانبول ایچون سنه لکی مطبعه دن
آلنق شرطیله ۴۰ طشره لره پوسته
اجرتیله برابر ۶۰ غروشدر.

نسخه سی ۱ غروش

پنجشنبه کونلری نشر اولنور ادبی، فنی و صناعی غزته در

نسخه سی ۱ غروش

رؤیا بر بحث مخصوص صورت‌ننده
(مخزن العلوم) ك برنجی قسم مطبوع‌ننده
دخی بیان ایدلمشدر .



شمس و اشعه شمس

(مابعد)

جو شمسده موجود بولنان (قالسیوم) دن
متشكل بونخارلر كوكب منير مذكور ك سطح‌ننده
متفرق صورت‌نده مشاهده ایدیلن بیاض لكك‌لره
مشابه ایسه‌ده آنلر ایله متوافق دكلدر .
انجره مذكوره قروموسفرك اقسام غلیظه
سندن تحصل ایتشددر . موسیو (ده‌لاندر) ك
استعمال ایتیش اولدینی (اسپتروغراف) تسمیه
اولنان فوطوغراف آتی خیطه ضیائی‌نك
سطح‌ننده مرسم لكك‌لر ك ربیعی آیوب یالكر
سطح شمسدن خیطه ضیائی رفیع اولدینی
صورت‌نده (قروموسفرك) دنیلن كره بخارك
شكل صحیحی تصویر خصوصنده مستعملدر .
قرص شمسیك سمت جینندن انتشار ایدن
بوضیالرك فن هیئتك بوكون واصل اولدینی
ترقیات سایه‌سند ایلك دفعه اوله‌رق رسمی
آلشمس دیمكدر . پاریسده موسیو (ده‌لاندر)
بوكی تدقیقات ایله مشغول ایكن برجیديك
(شیقاغو) شهر شهرنده واقع (كنوود)
رصدخانه‌سی مدیری موسیو (هال) ده بر
طرفدن بو ماده حقنده تدقیقات اجرا سیله
اوغر اشمقه‌در .

دیمك اولیوركه كونشك سطح‌ننده شعاع
موجود اولدیغنه دائر اولوب شمعی‌یه قدر
بر چوق قیل وقالی موجب اولمش اولان
اعتقاد فرضیت دائره‌سندن چیقاریلوب موقع
ثبوت ایصال ایدلمشدر . اوت سطح شمس

خطوط شعاعیه ایله مستوردر . شمسیك
لكك‌لرنده وقوع بولدینی كبی بونلر كده عدد
وجسامتی بعضاً تزايد ایدوب بعضاً تناقص
ایله مكده‌در .

۱۸۷۱ سنه‌سندده شمسیك حرکات
شعاعیه‌سی حد اعظمیسی بولمش و بیوك بر
شدت ابراز ایتیش ۱۸۸۳ سنه‌سندده ده
خفیف بر شدت كوسترمش ایدی . فقط
آتی آیدن بری اشعه شمسده مشهود اولان
فوران اولكندن ده شدید بر مرتبه‌ده‌در .
عناصر شمسه عارض اولان بوتعیر اون بر
سنه‌دن بری دوام ایتكده اولوب هنوز
اسبابی فنا كشف ایدیلده‌مه‌مشدر .

تغیرك وقوعنه كسب وقوف ایچون
بالاده ذكر ایتدیمز وجهله ابره مقناطیسییه
توجیه نظر ایتك كافی‌در . شمس ایله ارض
بیننده ۱۴۹ ملیون کیلومترواقی بر مسافه
موجود ایكن اوراده وقوع بولان اوفاقی بر
حرکتك بوراده عكس تأثیری كورولمكده‌در ؟
حتی بعضاً حرکت شعاعیه بر درجه‌یه واریوركه
بوصله بسبتون استقامتی شاشیروب تلفونلر
حرکتدن عاقل و مخبرات تلغرافیه بسبتون
منقطع اولیور !

حرکات مذكوره‌نك ارضه هم جوار
اولان (مریخ) و (زهرة) اوزرنده دخی اجرای
تأثیر ایده‌جکی بدیه‌در . بلكه كونك برنده
بر (ادیسون) ده میدان چیقوب كونشدن
ظهور ایدن حرکاتی و (زهرة) ایله (مریخ)
اوزرنده حصوله كلن اصوات مقناطیسییه
استماعه مدار اوله‌جق بر واسطه اختراع
ایدرده ابنای بشره یكی بر دوره ترقی كشاد
ایلر .

كونشك لكك‌لرینه دائر اولوب فن
هیئت حاضرده موقع تذكره وضع اولنان
مسائل بك اسکی وقتلردن بری معلوم‌در .
لاتین شعرای قدیمه‌سندن (اووید) و (ویرژیل)
اثرلرنده بوندن بحث ایتیشلر و چین منجملری

۳۰۱ سنه میلادیه‌سندن ۱۲۰۵ تاریخنه قدر
بولكك‌لری مشاهده‌ایله مشلردر . قرون وسطاده
(ارسطو) نك مسلكنه مخالف اولدینی ایچون
بولكك‌لر ك وجودی قبول ایدله‌مشدر . حتی
زه‌زوینت زه‌اینندن بری ۱۶۱۱ سنه میلادیه
سندده جرم شمس اوزرنده بعض لكك‌لر مشاهده
ایدرك مسلك روحانیده رتبه‌جه كندی
مافوقنده بولنان بر راهبه مشهوداتی افاده
ایدنجه موسی الیه : « بن ارسطونك بتون
مؤلفاتی اوقودم . كونشده لكك بولندیغنه
دائر بر قفریه تصادف ایتدم . سنك كوردینك
لكك‌لر یا كندی كوزكده یادورینكك جامنده
اولق ایجاب ایدر . » دیمشدر .

ارسطونك مسلكنه مخالف اولقله
برابر بولكك‌لر ك وجودی بوكونكی كونده
فنا تحقق ایتیش اولدقدن باشقه قریباً اسباب
موجبه‌سك كشی ده مأمول بولنمشدر .



كونش واسطه سیله تظهير

ملوث صوایله ملو بر شیشه بر ساعت
قدر كونشه معروض بولوندریله جق اولور
ایسه حاوی اولدینی میقروبلرك زائل
اوله‌جنی اخیراً تجربه طریقله موقع بداهته
ایصال ایدلمشدر .

كونشك دافع تعفن اولدینی ذاتاً
اوتندن بری مسلدر . حتی خسته‌لر ایله
وفات ایدنلرك اشیا والبسه‌سی كونشه‌سرمك
بو فكردن ایلری كلشدر . شعاع شمسیك
حقیقه قاشلرك سطحه یاییشان بر چوق
امراضك سرایتنه بادی اولان میقروبلرك
ازاله‌سی ایچون مالك تأثیر اولوب اولمادینی
تحقیق ایچون زمانمزا طباسندن (وون اسمارش)
نام معلم باسیل ایله ملوث كورك یورغان
ویاصدقلری كونشه عرض ایتیش نتیجه
تجربه‌ده شعاع شمسیك حقیقه اقشده‌نك